

SCRIPT OF EVENING GOJRI NEWS BULLETIN 25JUNE 1700 HRS

ایونینگ گو جری نیوز بلیٹن مورخہ 25 جون 2025

یوہ آکا شوانی جموں بے گلام سرور تے نصرت تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے ایمرجنسی جیسا لمحات تیں بچن ور زور دتو تے نوجوانان نانہہ جمہوریت تے آئینی اقدار تیں آگاہ کرنو ضروری قرار دتو۔
- ۲۔ جموں کشمیر مانہہ امرناتھ یاترا تیں پہلاں جموں سرینگر قومی شاہراہ ور حفاظتی انتظامات سخت کردتا گیا ہیں تانجے یاترا غو محفوظ انعقاد وے۔
- ۳۔ بھارتی خلا باز شہبانشو شکلا بین العقوامی خلائی سٹیشن غی جانب روانہ ہو گیا ہیں تے اس غے نال ہی بھارت 41 سال بعد دوبارہ انسانی خلائی مشن مانہہ شامل ہووے۔
- ۴۔ جموں کشمیر مانہہ مشن انسپکشن مہم غو آغاز ہووے جس غے تحت تمام ثقافتی ورثاں تے تاریخی عمارتاں غو معاینو کیو جارہیو ہے۔
- ۵۔ محکمہ موسمیات نے جموں صوبہ مانہہ اج تیں 27 جون توڑی شدید بارش غی پیش گوئی کی ہے۔

LG SHD

لیفٹیننٹ گورنر منوج سنہا نے اج نوجوانان نانہہ جمہوری اقدار تیں آگاہ کرن غی ضروریات ور زور دتو اُنہاں نے کی وکہ اگر نوجوان نسل ایمرجنسی غا واقعات نانہہ سمجھ لے تے ایسی کری شاید کدے وی نانہہ دہرائے جے اس گل غو ذکر لیفٹیننٹ گورنر نے جموں غا کنونشن مرکز مانہہ ذرائع ابلاغ سنگ گل کرتا وان کیو واضع رہ جے سال 19 سو 75 مانہہ ملک مانہہ ایمرجنسی غو نفاذ ہووے تھو تے اج 50 سال مکمل ہو گیا ہیں اس تہاڑا نانہہ ملک غا بکھ بکھ حصاں مانہہ سمویدھان ہتھیا دیویس غا طور ور منایو جے لیفٹیننٹ گورنر نے جمہوری اقدار نانہہ مضبوط بنان مانہہ تاریخی بیداری کی اہمیت نانہہ آجاگر کیو اس موقع ور خطاب کرتا وان اُنہاں نے اس طرح کہیو۔

AMARNATH SECURITY

سالانہ امرناتھ یاترا شروع ہون تیں پہلاں جموں سرینگر قومی شاہراہ ور حفاظتی بندوبست مانہہ برو تری کی گئی ہے زائرین واسطے محفوظ راستہ نانہہ یقینی بنان بارے متعدد چیک پوانٹ گشت مانہہ اضافو تے نگرانی غا بہتر اقدامات کیا گیا ہیں تاہم اس طرح فرضی مشق کی جارہی ہیں شری امرناتھ یاترا 3 جولائی نانہہ شروع وت غی جس مانہہ ہر سال ہزاراں غی تعداد مانہہ عقیدت مند حاضری دیں انتظامیہ غی طرفوں سخت حفاظتی بندوبست سنگ 24 گھنٹاں نگرانی گے زریوے ان کی حفاظت نانہہ یقینی بنان ور مرکوز ہے۔

DC UDH AMARNATH

ادھمپور غی ترقیاتی کمشنر سلونی رائے تے ان غے ہمراہ ایڈیشنل ترقیاتی کمشنر پریم سنگھ نے شری امرناتھ یاترا 2025 کی تیاریاں بارے جکھینی تیں کالی ماتا مند ٹکری توڑی لاجمنٹ مرکز کمیونٹی سینٹر کمپلیکس غو معاینو کیو اس سلسلہ مانہہ پین غو پانی صفائی

بجلی رہائش تے بستران گی گنجائش سمیت بارے سہولتاں ور زور دتو گیو۔ آکاشوانی غا
خبران آلا شعبہ سنگ گل بات کرتا واں ڈی سی ادھمپور نے اس طرح کہیو۔

AXIOM 4 LAUNCH

ایگزیم چار مشن بھارتی خلا باز شوبہا نشو شکلا نانہ فزا مانہ لیجان بارے اج فلورریڈا غا
کنیدی خلا مرکز تیں کامیاب طریقہ سنگ روانہ کیو گیو یوہ عملو ڈریگن سپیس خلائی جہاز
ور سواز ہو گے بینالغوامی خلائی اسٹیشن در جارہیو ہے جس مانہ فالکن 9 راکٹ تیں لانچ
کیو گیو ہے امریکی کمانڈر پیگی وٹسن پیگی وٹسن کی قیادت مانہ بھارتی فضائیہ غا اگروپ
کپٹن شوبہا نشو شکلا گے ہمراہ مشن پائلٹ غا طور ور عملہ مانہ ہنگرین خلا باز تیر کاپو
تے پولش خلا باز سلاووس یوزین وی شامل ہیں۔ کپٹن شکلا ونگ کمانڈر راکیش شرما غا چار
دہائیاں بعد خلا مانہ سفر کرن آلا دوجا بھارتی بن گیا ہیں خلا تیں ایک پیغام مانہ کپٹن شکلا
نے اس سفر نانہ حیرت انگیز سواری قرار دتو اُنہاں نے اس طرح کہیو۔ صدر جمہوریہ
دروپدی مرمونے وزیر اعظم نریندر مودی نے خلائی مشن گاکامیابی سنگ آغاز غو خیر
مقدم کرتا واں کہیو کہ پوری قوم پرجوش ہے تے ستاراں ور بھارت غا سفر ور فخر کر رہی
ہے۔

PROG ANNOUNCEMENT

علاقائی خبران آلو شعبو آکاشوانی جموں 26 جون 2025 نانہ بیروار آلے تہاڑے دوپہر
12 بجے منشیات گاکا استعمال تے غیر قانونی تسکری گے خلاف عالمی تہاڑا گاموقع ور ایک
خصوصی پروگرام نشر کرے گو اس پروگرام مانہ مہارا مہمان جموں کشمیر تیں منشیات
مخالف ایس ایس پی محمد نواز لحق تے جموں یونیورسٹی گاشعبہ نفسیات کی سابقہ سربراہ
آرتی بخشی ویں گی تے اس پروگرام کی میزبانی کریں غا مارا اینکر جگموہن شرما۔ یوہ
پروگرام آکاشوانی جموں توں میڈیم ویو 303 میٹر یعنی 990 کلو ہٹز تے ایف ایم 100 اشاریہ
3 میگا ہٹز ور نشر کیوجے غو۔

MISSION INSPECTION

تحفظ تے تحفظ گاکماں گے نال نال ریاستی محفوظ یادگاراں گاستینٹ نانہ برقرار رکھن
بارے محکمہ آرکائیوز آثار قدیمہ تے عجایب گھر جموں و کشمیر نے 25 تیں
30 جون 2025 توڑی مشن معانیو شروع کیو ہے۔ اس مدت گے دوران تعینات کی گئی ٹیم
مرکزی زیر انتظام علاقہ غا 54 محفوظ یارگاراں مقامات ور 150 کام کاجاں گو معاینو کرے گی
تے بکھ بکھ مراحل گے تحت جاری منصوباں غو جائیزو وی لیو جے غو اس سلسلہ مانہ
تجاوزات کی نشاندہی وی کی جے گی۔ سفارش کری گئی اس مشن غو مقصد مستقبل مانہ
ورثہ غا منصوباں ت غیر حل شدہ کام کی جگہاں غو جائیزو لیتا واں ضلعی انتظامیہ نے
عمل کرن آلی ایجنسیاں گے سنگ ہم آہنگی نانہ مضبوط کرنو ہے۔

CLEAN JAMMU GREEN JAMMU

صاف جموں سرسبز جموں مہم نانہ اگے بدھاتا واں اج چھنیہمت وارڈ نمبر 51 مانہ واقع
تالاب غے قریب شجرکاری مہم چلائی گئی۔ اس موقعور جل شکتی محکمہ غا ایڈیشنل
سیکرٹری ہتیش گپتا مہمان خصوصی غا طور ور موجود تھا۔ اس شجرکاری مہم مانہ مقامی
افراد نے جوش و خروش تیں حصو لیو جس نانہ جموں کی بلدیاتی تے جموں غی شہری

جنگلاتی محکمہ نے مشترکہ طور پر منعقد کیو۔ اس موقع پر گل کرتا واں ایڈیشنل سیکرٹری
بتیش گپتا نے اس طرح کہیو۔

REASI MONSOON

آن آلا برسات غا موسم غے پیش نظر ڈپٹی کمشنر ریاسی ندھی ملک نے اہم محکماں گے نال
ایک میٹنگ کی تے سیلاب مٹی کھسکن غی تیاریاں بارے جانیزو لیو میٹنگ مانہ حساس
مقامات غی نشاندہی کنٹرول روماں غ و قیام ہنگامی صورتحال مانہ کم کرن ولی ٹیم تے
ضروری سہولیات غی حفاظت ور زور دتو گیو۔ ڈیسی نے کہیو کہ ریاسی انتظامیہ کسی وی
ہنگامی صورتحال نال نمرن واسطے پوری طرح تیار ہے تے بروقت کارروائی واسطے
تمام محکماں غے درمیان بہتر رابطہ کاری ضروری ہے عوامی بنیادری تے بین المحکماتی
تعاون برسات غے دوران ضلع غی ہنگامی حالات تیں بچاؤ مانہ بنیادی حکمت عملی غو
حصو ہے۔

WEATHER

محکمہ موسمیات نے جموں صوبہ مانہ اج تیں 27 جون توڑی شدید بارش کی پیشن گوئی کی
ہے۔ س دوران پہاڑی علاقاں مانہ انہاتنی بارش ہون گا مکان ہیں تے پہاڑی علاقاں مانہ
پھسی پینتے مٹی کھسکن غو اندیشو ہے تے کئی ملاقات ور اچانک سیلاب آن غی وارننگ دتی
گئی ہے حکام نے کساناں تیں اپیل کی ہے کہ چند دنن توڑی آبپاشی تے دیگر زرعی
سرگرمیاں معطل کرتیں تانجے کسی وی قسم کا نقصان تیں بچو جاسکے۔ عوام تیں گزارش
کی گئی ہے کہ ہوشیار رہیں تے حفاظتی ہدایات ور عمل کریں۔

PM MKB

وزیر اعظم نریندر مودی ملک تے بیرون ملک رہ رہیا بھارتی شہریاں سنگ آئندہ 29 جون
نانہ آکاش وانی ور من کی بات پروگرام مانہ اپنا خیالات سانجہ کریں گایاہ ماہانہ ریڈیو
پروگرام غی 123 ویں قسط وے غی۔ لوگ اپنا خیالات تے تجویز ٹول فری نمبر
1800117800 ور ڈائل کر غے روانہ کر سکیں۔ اس توں علاوہ نریندر مودی ایپ یاہ فر
مائی گوو اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ
غی 27 تا ریخ توڑی ہی قابل قبول وین گی۔ یوہ پروگرام آکاش وانی، دور درشن، اے آئی آر
نیوز ویب سائٹ تے نیوز آن اینر مو بائل ایپ ور نشر تے ٹیلی کاسٹ کیو جائے گو۔ اس توں
علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و
نشریات غی وزارت غا یوٹیوب چینلاں ور وی براہ راست نشر تے ٹیلی کاسٹ کیو جائے
گو۔ آکاش وانی اس پروگرام غی بندی نشریات غے فوراً بعد اس نانہ علاقائی زبانان مانہ
وی نشر کرے گو۔
